

鶴慶縣志

卷九之
中

卷九之中

人物志

申部

孝友

申之九

鶴慶縣志

鶴慶縣志卷九中

孝友 申之九

元闕

明

楊叙年

正德壬午隨父斌之京行至天津父為賊

所獲欲殺之叙年號泣哀求願以身代賊感其孝並

釋之且護之出險

高科 郡諸生事親以孝聞父久病躬侍湯藥服勞無懈與弟同居三十年如一日其死而無依者出貲殮之知府周贊表其門

蔣懋官 郡諸生父以旅卒往扶櫬時當溽暑尸血溢流臭不可近懋官號哭跪而舐之明旦遂止既葬廬墓三年詔立坊旌之

周演 父於仁以貢至京演步從道遇賊抱父號

注賊刃其臂不去賊感而釋之比父以景東訓導歸
年八十餘演承歡備至及殁哀毀盡禮部使監司各
旌表優卹

趙 恩 貢生父德宏祀鄉賢恩克繼父孝喪葬如
禮家貧事繼母竭力致養婉容愉色巡案吳翰表其
宅曰世敦孝行

高伏才 早喪母事繼母甚孝繼母卒廬墓三年吳

直指應琦疏聞建坊旌表

讓朝

梁健植 郡諸生順治丁亥潰兵入境健植侍其父
甲壯避兵班登山中父被執健植向賊叩頭出血願
代父死賊遂殺健植而釋其父

唐士宏 早孤事母至孝母病士宏籲天願以身代
及歿哀慕動人有姪生甫三日而孤士宏撫之成立

分產與之郡守旌其門

孫如龍

性孝友家貧嗜學能竭力事親父士基有

疾如龍嘗糞而甜知疾且難治夜籲天乞以身代父
疾尋愈人以為誠孝所感

段聯仕

幼孤事母孝篤於友愛兄聯甲業儒聯仕

恐兄以家務廢學乃挺身經理不以累兄有弟年幼
聯仕善視之鄉里無間言復能周卹親黨知府艾旌

其門

李昌榮

性樸實事親竭力親病侍湯藥衣不解帶

凡親泣唾盡吞之無稍厭數知府金嘉其孝表之

李貴和

家貧出嗣李門性至孝事本生父世顯終

不懈值世顯疾貴和憂之叩天出血疾尋愈母楊氏

疾貴和嘗糞以文告天母歿哀毀骨立知府艾旌其

孝行

管尚元 孝友成性內外無間言親病籲天願以已
壽益親誠孝固結至於膏糞親歿奠祭盡禮鄉閭以
其事聞知府佟匾其門曰服勞盡瘁

周 縉 性友愛幼貧贅於他姓而手足之戚常切
於心遂歸宗事兄如父苦樂與同凡昆弟之未娶者
婚之困乏者周之內外咸無間言知府佟獎之
張彌祚趙通達 皆鶴慶府志事蹟無考

李光燁 字合充邑明經處已端方手錄程朱語錄
自課尤喜勸善諸刻謂其可資以化導下愚故多為
翻刻廣布焉免時以事他出聞父病即馳歸中途有
武安王廟因入泥首階前請減已年以益父壽空中
聞神語曰爾父無慮爾年九十父疾果愈光燁年至
九十三始卒

李根玉 字仙巖乾隆庚辰解元少孤性方正嗜學

其從兄陣亡歸骨家人以冷尸不容入戶根玉為保
抱良久曰尸熱矣眾議乃息後任武康知縣崇文於
均民役以清簡勵治卒於官

周澤 字潤川副貢生幼孤而貧母老失明澤侍
奉不離左右七歲兄令學為貿易澤請曰願讀以奉
母夜惟默誦其叔責之對曰恐驚母寢耳家貧不能
致油常燃柱香照字叔資以膏火輒積之以易肉供

母年十六入泮有聘之設帳者辭以母老叔曰如此
奈貧何對曰貧何病因授徒於家枵腹朗誦或笑之
則曰書味可飽中乾隆辛卯副榜猶親為母滌器
死於麗江資為盜所竊澤往扶櫬歸葬母歿絕意仕
進以課讀終其身

張衢達字之天乾隆丁酉舉人家貧七歲失母悲
痛不言者數月每見奩中遺物輒抱泣既長事父俊

業曲體其心歲歉種瓜代食而父不缺甘旨三世同
居內外無間言父卒事兄如父兄性嚴厲稍拂其意
即閉戶不食衢達拱立引咎為俟霽顏進食乃退會
試渡漢水同載者遺金去留俟三日遺者至還之其
人願以半償辭不受

呂如珍 諸生少孤事繼母能以色養母偶不悅即
長跪自責供膳必親夜必俟熟眠始退母卒居喪三

年不接婦言不會賓客事兄嫂如父母授徒於外所得修脯如數交兄已有所需反請命焉時人賢之

蔣玉圖

字義瑞檢討祖培第三子兄鳴鹿留詞館

玉圖在家事父先意承志能得歡心父有疾侍湯藥衣不解帶者月餘焚香籲天請減己算以益親壽父歿弟九錫方九歲朝陽方四歲玉圖躬教之學不進則泣以自責貲產所入悉記之如是者十三年卒時

兩弟及親族啟篋視所積封識宛然無毫髮自私云
婁輝岱 字高宇歲貢生博學多才教尚孝友兄武
舉輝蒿性豪爽喜飾裘馬好施濟輝岱悉樂成之父
欲分產輝岱不忍離遂不復分及父兄卒撫姪如子
中年姪亦卒復撫其姪孫教之成立入庠曰吾可見
父兄於地下矣年八十而逝

宣聖謨 父多疾以家貧父命出謀衣食聖謨不忍

離膝下父強之遂往金厰月餘厰旺金多聞父疾發
竟毅然舍之歸或勸暫止不聽歸後滌溺器浣垢衣
不假他手父時患便澁疾聖謨親吮求愈事事曲體
親心以終厥養

彭元錫 字慶年邑諸生父患瘡疾久不愈元錫竭
力調治見落痂即食之父戒曰毒將及汝奈何對曰
願分父痛後元錫通體皆瘡而父瘡愈已瘡亦尋瘳

父歿事曾祖母楊祖母王母李皆盡孝教弟昌錫入泮昆季怡怡內外雍睦

張超家貧性孝灌園奉親妻周氏不順父母出

之乃為弟納婦人勸其再娶曰倘又不淑是重貽親憂也有弟繼先人後足矣父卒弟移家永北遺以老母超年五十餘傭工以養母得風疾扶掖需人超不離左右極盡誠敬母死殮畢守柩號泣未旬而卒